

Buhé Burhudus Sant Izidor

PATROM EL LABOURERION-DOAR

Che leu et hag é kleu e et che leu et
hag é kleu e et che leu et hag é kleu e
et, ur gañ nen a ne ué saù et.

Cheleuet hag é kleuet
Ur gañnen a neüé saüet ;

Ur gañnen a neüé saüet
Eit inourein un dén parfet.

Izidor e oé labourér,
Servitour bras én ur manér.

Er meüel oé én ti geton
En hum glemmé bras anehon.

« — Er mestrig ker n'er gouiet ket
« Izidor d'oh ne labour ket.

« Hed en deu ben en des en dé,
« Ne hra kin nameit pedein Doué.

« Lahet é d'ein mé men divréh
« E hobér labour én é léh.

« — Nen dé ket aveit pedein Doué,
« Izidor, en hou kopran mé ;

« Mes eit sekour me meüeleu (1)
« De labourat doar ém farkeu.

« — Me mestrig ker, ne fachel ket,
« Ahoel kent m'hou pou me hleuet :

« Berpet, èl ur guir servitour,
« Em es eid oh groeit me labour.

« Laret d'ein hoah petra gobér
« Ha ne vankein ket d'em devér.»

En ternoiz vitin, pe saüas,
Bet ean davéet d'er park bras ;

D'er park bras é oé davéet
Aveit distonn doareu kalet.

É vestr e ias, hemb gout dehon,
De dal er harh eit kuh dohton.

De dal er harh aveit guélet
Mar en devehé labouret.

Pe soñnas er hloh d'en ovren.
Izidor e lauskas é den.

Izidor e lauskas é den
Aveit hum lakat é peden.

Aveit hum lakat é peden.
Ar ben é zeuhlin ér hrien.

Mes ag en nean, o tra soéhus,
E tichen deu èl figernus :

(1) Eit meüélión.

É dorn unan oé ur harhpren,
É dorn en aral ur huialen.

É dorn en aral ur huialen,
Eit lakat de gerhet en den.

Er mestr, pe huélas kement-sé,
E hanaüas er huirioné,

« — N'en dé ket un dén é gres Doué
« E flatei Izidor d'ein mé.

« Mes un dén fal, lan a ivi,
« Un dén karget a jalouzi.

« Izidor e hra é labour ;
« Eidonn n'en des guel servitour ;

« Izidor get Doué zou karet.
« Me garehé er goarn berpët.

Nezen é has er mestr d'er gér,
Él un dén tronpet, é kolér.

Ag er park Izidor eüé,
E zas d'er gér, ar dro kreisté.

Él mé té d'er gér get é den,
E vestr e hias én é arben.

É vestr a belan m'er guélas,
Ar é zeuhlin en hum daulas.

« — Me meüel Izidor, pardon,
« Pardon a greizik me halon.

« Ia, me mestr, m'hou pardonnou,
« Hui ha kement e hoal gonzou

Izidor dén just ha santel,
É viüé pur avel en Él.

Liés dré bedenneu gredus.
É hras memb évreu burhudus.

Pe oé tueman de greiz en est,
Ean e dorré séhet é vestr.

Tri zaul ar en doar a pe skoé,
Ur gaer a fetan e saüé.

Ur gaer a fetan e saüé.
Hag er mestr é hoalh e ivé.

« — Me mestr karet, doh me feden.
« Doué e zigas d'oh deur mamen,

« Keméret ur huéren argand.
« Ivet ken e veet koutant. »

Pe oé torret séhet er mestr,
Er fetan gaer e ié de hesk.

Mén ma chapél sant Izidor ?
En un inizen bras, ér mor.

En inizen hag é Spagn,
É Sant-Serüéz én Allemagn

(Guerzen tennet ag *En Est*, get en E. Kadig ; ton dastumet get en E. H.)

